

Ni Presidente Dieter F. Uchtdorf

Maikadua a Mammagbaga iti Umuna a Panguluén



# Panangikarigatan a Mangsurot iti Kapatgan

**I**tay kallabes, binuyak ti grupo dagiti tao nga agprakpraktis iti arte ti archery. Babaen ti panangbuybuya, nalawag kaniak a no talaga a kayatmo nga adalen a naimbag ti agusar iti bai ken pana, ikkam iti oras a panagprakpris.

Panagkunak saanka a maaddaan iti reputasion iti panagbalin a nalaing a pumapana babaen ti panangpunta iti awan nagyanna a pader ket kalpasanna ipakat dagiti target kadagiti pana. Nasken a masursurom ti paglaingan iti panangsapul iti target ken panangpunta iti bull's eye.

## Dagiti Painting Target

Mabalin a kasla awan serbina ti panangpunta nga umuna ket kalpasanna ipakat dagiti target, ngem no dadduma ipakitatayo dayta mismo nga ugali iti dadduma pay a pasamak ti biag.

Kas miembro ti Simbaan, adda ayotayo a manginaig iti bagbagitayo kadagiti programa ti ebanghelio, isyu, ken uray pay dagiti doktrina a kasla makaay-ayo, napateg, weno mangparagsak kadatayo. Masulisogtayo a mangipakat kadagiti target kadagitoy, a mangpapati kadatayo a mangikarigatan a mangsurot iti kapatgan a paset ti ebanghelio.

Nalaka nga aramiden daytoy.

Iti unos ti pakasaritaan ti lubong nakaawattayo iti napintas a balakad ken inspirasion manipud kadagiti propeta ti Dios. Umawattayo pay iti direksion ken pannakailawlawag manipud iti nadumaduma a publikasion, handbook, ken manual ti Simbaan. Nalaka a makapilitayo iti paggugusto a topiko iti ebanghelio, mangidrowing iti bull's eye iti lawlawna, ken ibagatayo a nailasintayo ti kapatgan a paset ti ebanghelio.

## Ilawlawag ti Mangisalakan

Saan a naidumduma daytoy a problema iti panawentayo. Idi un-unana a panawen, bubosen dagiti lider ti rehigion ti adu a panawenda iti panagkatalog, panangranggo, ken panakidebate no ania kadagiti ginagasut a bilbilin ti kapatgan.

Maysa nga aldaw ginandat ti maysa a grupo dagiti eskolar ti rehigion tapno ipasango ti Mangisalakan iti kontrobersia. Kiniddawda Kenkuana a mangutob iti isyu a mabalin a manmano ti umanamong.

“Maestro,” dinamagda Kenkuana, “ania ti dakkal a bilin iti linteg?”

Ammotayo amin no kasano a sinungbatan ni Jesus: “Ayatem ti Apo a Diosmo iti amin a pusom, ken iti amin a kararuam, ken iti amin a panunotmo.

“Daytoy ti umuna ken dakkel a bilin.

“Ket ti maikadua isu umasping kenkuana, Ayatem ti padam a tao a kas iti bagim.

“Kadagito y dua a bilin agpannuray ti amin a linteg ken dagiti propeta.”<sup>1</sup>

Ikasoyo ti maudi a binatang: “Kadagito y dua a bilin agpannuray ti *amin* a linteg ken dagiti propeta.”

Ti Mangisalikan ket saan laeng a nangipakita kadaytoy iti target, ngem inlasinna pay ti yan ti bull’s-eye.

### Panangpunta iti Target

Kas miembro ti Simbaan, makitulagtayo nga awaten iti bagbagitayo ti nagan ni Jesucristo. Ti naawatan a paset ti katulagan ket ti pannakaawat nga ikarigatantayo ti agsursuro maipapan ti Dios, agayat Kenkuana, papigsaen ti pammatitayo Kenkuana, agdayaw Kenkuana, magna iti dalanna, ken agtakder a sinitibker kas agsaksi Kenkuana.

Ti ad-adda a pannakasursurotayo maipapan ti Dios ken pannakarikna iti ayatna kadaytoy, ad-adda met a maammuantayo a ti awan patinggana a sakripisio ni Jesucristo ket nadosan a sagut ti Dios. Ken paregtaennatayo ti ayat ti Dios tapno usarentayo ti dalan ti pudno a panagbabawi, a mangiturongto iti milagro ti pannakapakanawan. Daytoy a proseso ti mangted kabaelan kadaytoy tapno maaddaan iti daddakkel nga ayat ken panangngaa-si kadagiti adda iti aglawlawtayo. Masursurotayo ti kumita iti labes dagiti label. Mapagkedkedantayonto ti sulisog a mangpabasol wenna manghusga iti dadduma kadagiti basbasolda, pagkurangan, pakapilawan, kapanunotan iti politika, natibker a pammati iti relihion, nasionalismo, wenna maris ti kudil.

Ibilangtayonto ti tunggal maysa a makitatayo a kas maysa nga anak ti Nailangitan nga Amatayo—kabsattayo a lalaki wenna kabsattayo a babai.

Tulongantayonto dagiti dadduma iti pannakaawat ken ayat—uray dagitay mabalin a saan a masinunuo a nalaka nga ayaten. Makipagladingittayo kadagiti agladladingit ken liwliwaentayo dagitay agkasapulan iti pannakaliwliwa.<sup>2</sup>

Ken maamiristayo a saantayo a kasapulan ti agsagaba maipapan iti umisu a target ti ebanghelio.

Dagiti dua a dakkel a bilin ti target. “Kadagito y dua a bilin agpannuray ti amin a linteg ken dagiti propeta.”<sup>3</sup> No awatentayo daytoy, amin a dadduma pay a nasayaat a banag ket maawatan a mayannurot iti umisu a pategda.

No ti kangrunaan a pokustayo, panunot, ken panagkagumaantayo ket maipamaysa iti panangpatibker iti ayattayo iti Mannakabalin a Dios ken panangtulongtayo kadagiti dadduma, maammuantayo a nasarakantayo ti umno a target wenna ipangpangrunatayo ket panggepentayo a puntaan ti bull’s-eye—panagbalin a pudno a disipulo ni Jesucristo.

### DAGITI NAGADAWAN

1. Mateo 22:36–40.
2. Kitaen iti Mosiah 18:9.
3. Kitaen iti Mateo 22:40.

---

## PANANGISURO MANIPUD ITI DAYTOY A MENSAHE

Sakbay ti panangibinglay iti daytoy a mensahe, mabalinyo a kantaen ti “Our Savior’s Love” (*Hymns*, no. 113). Kalpasanna ibilangmo ti panangallukoy kadagiti sarsarungkaram a panunotenda dagiti “targets” wenna ipangpangruna iti bukodda a biag. Mabalainmo nga ilawlawag dagiti wagas tapno masigurado a ti dua a dakkel a bilin—nga “ayatem ti Apo a Diosmo” ken “ayatem ti kaarrubam kas iti bagim” (kitaen iti Mateo 22:37, 39)—ket kanayon a mangtarabay kadagiti tignayda. Mabalainmo pay nga ibinglay dagiti masinunuo a wagas a nangipamaysaam ti bukodmo a biag ken ni Cristo ken ibinglaymo ti pammaneknekmo no kasano a nangparabur kenka dayta.

## AGTUTUBO

### Ti Isem Makaaramid iti Naidumduma

Ibaga ni Presidente Uchtdorf ti dua a panggep a tunoyen a nasken nga adda kadagiti tignaytayo: ayaten ti Dios ken dagiti padatayo a tao. Ngem no dadduma saan a basta nalaka ti agayat iti dadduma. Iti unos ti biagyo, mabalin nga adda dagiti gundaway a marigatankayo a makipulapol kadagiti dadduma—nalabit adda maysa a nangpasakit kadakayo wenna narigatankayo a nakisarsarita wenna nakilinnangen iti maysa a tao. Kadagito y a kanito, padasenyoy a lagipen ti ayat a nariknayo manipud kadagiti gagayyem, kapamilia, iti Nailangitan nga Ama, ken ni Jesucristo. Lagipenyo ti ragsak a nariknayo kadagita a situasion ket padasenyoy a panunoten no addaan ti tunggal maysa iti gundaway

a mangrikna iti kasta nga ayat. Laglagipenyo a ti tunggal maysa ket anak ti Dios ket maikari iti agpada nga ayatna *ken* ti ayatyo.

Panunoten ti maysa a tao iti biagyo a narigatankayo a nakilinnangen. Iramanyo ida kadagiti kararagyo ket idawatyo iti Nailangitan nga Ama a luktanna koma ti pusoyo kadakuada. Iti mabiit mangrugi a makitayo kadakuada ti inaramidna: kas maysa kadagiti annakna a maikari iti ayat.

Kalpasan a nagkararagkayo, agaramidkayo iti maysa a nasayaat a banag para kadakuada! Nalabit nga awisenyo ida iti maysa nga aktibidad ti Mutual wenno panagpasiar a kadua dagiti gagayyem. Idiayayo a tulongan iti homework assignment. Isaoyo ti “hello” ket umisem kadakuada. Makaaramid dagiti babassit a banag iti dakkell a pagdumaam . . . iti biagyo nga agpada!

© 2017 ti Intellectual Reserve, Inc. Nailatang amin a karbengan. Naimaldit iti EUA. Pannakaanamongna iti Ingles: 6/16. Pannakaanamongna a maipatarus: 6/16. Pannakaipatarus ti *First Presidency Message*, January 2017. Ilokano. 97921 864

## ANNAK

### Bull’s-eye!

**K**una ni Presidente Uchtdorf a maipada ti ebanghelio iti panagpraktis iti target. Nasken a panggeptayo a tun-oyen dagiti kapapatgan a banag. Dagiti kapatgan a bilin ket agayat iti Dios ken agayat iti dadduma. No ipamaysatayo dagitoy dua a banag, mapuntaantayo ti bull’s-eye iti tunggal gundaway!

Mangidrowing iti dakkell a target iti maysa a papel. Ipabasam iti maysa a nagannak ti sumaganad a listaan kenka. No ti maysa a banag iti listaan ket maysa a banag a makatulong kadayo a mangipakita iti ayat-tayo iti Dios ken iti dadduma, isurat wenno idrowing daytoy iti tengnga ti target.

Ibinglaymo dagiti ay-ayammo

Agtakawka iti kendi

Makimisaka

Awagam ti maysa a tao iti naalas a nagan

Agkararagka

Arakupem ti maysa a tao

Makiapaka iti kabsatmo



# Ti Panggep ti Relief Society

*Nainkararagan nga adalenyo daytoy a material ken kalikagumanyo ti maaddaan iti inspirasion nga ammuen no ania ti ibinglayyo.*

**Pammati, Pamilia,  
Tulong**

**T**i panggep ti Relief Society ket “isagana dagiti babbai kadagiti bendision ti agnanayon a biag,” kuna ni Linda K. Burton, Relief Society General President.<sup>1</sup> Iti babaen ti pammati, pamilia, ken tulong a makiramantayo iti “napateg a paset iti aramidtayo.”<sup>2</sup>

Ti Relief Society “ket temporal ken naespirituan nga aramid,” kuna ni Carole M. Stephens, Umuna a Mammagbaga iti Relief Society General Presidency. “Dayta ti inaramid dagiti babbai iti panawen ti Apo, ket dayta met ti itultuloytayo nga aramiden.”<sup>3</sup>

Kabayatan ti panangkitatayo iti babai a Samaritano iti abay ti bubon, a nangpanaw iti karambana ket nagtaray a nangibaga iti dadduma a ni Jesus ket maysa a propeta (kitaen iti Juan 4:6–42), wenko ken ni Febe, a siraragsak a nagserbi kadagiti dadduma iti unos ti biagna (kitaen iti Taga Roma 16:1–2), makitatayo ti pagwadan dagiti babbai iti panawen ti Mangisalakan nga aktibo a nakiraman iti yaasideg ken ni Cristo. Isu ti nanglukat iti dalantayo

nga agturong iti agnanayon a biag (kitaen iti Juan 3:16).

No panunotentayo dagiti nagkauna a kameng a kakabsattayo a babbai iti Nauvoo, Illinois, a nagguummong iti pagtaengan ni Sarah Kimball idi 1842 tapno mangbukel iti bukodda nga organisasion, makitatayo ti plano ti Dios iti panangipasdek iti Relief Society a mangsursurot kadagiti prinsipio ti priesthood. Kalpasan nga insurat ni Eliza R. Snow ti maysa a constitution, inamiris ni Propeta Joseph Smith. Naammuanna a saan pay unay a naan-anay a nabukel ti Simbaan agingga a di mabukel dagiti babbai. Kinunana nga inawat ti Apo ti diaya ngem adda pay maysa a banag a nasaysayaat. “Ummongekto dagiti babbai babaen ti priesthood a maibatay iti pagtulad ti priesthood,” kinunana.<sup>4</sup>

“Ti Relief Society ket saan laeng a sabali pay a grupo dagiti babbai nga agkalkalikagum nga agaramid iti nasayaat iti lubong. Naiduma daytoy. Daytoy ti ‘maysa a banag a nasaysayaat’ gapu ta nabukel daytoy

babaen ti awtoridad ti priesthood. Napateg nga addang ti pannakabukelna iti pannakaipalgak ti aramid ti Apo iti daga.”<sup>5</sup>

## ***Dagiti Mainayon a Nasantuan a Kasuratan ken Impormasion***

Doktrina ken Katulagan 25:2–3, 10; 88:73; [reliefsociety.lds.org](http://reliefsociety.lds.org)

### **DAGITI NAGADAWAN**

1. Linda K. Burton, iti Sarah Jane Weaver, “Relief Society Celebrates Birthday and More March 17,” *Church News*, Mar. 13, 2015, [news.lds.org](http://news.lds.org).
2. Linda K. Burton, in Weaver, “Relief Society Celebrates Birthday.”
3. Carole M. Stephens, iti Weaver, “Relief Society Celebrates Birthday.”
4. Joseph Fielding Smith, iti *Daughters in My Kingdom: The History and Work of Relief Society* (2011), 11–12.
5. *Daughters in My Kingdom*, 16.

### ***Ibilang Daytoy***

Kasano a tumultulong ti Relief Society kadagiti babbai a mangipatungpal iti nadiosan nga akem ti Nailangitan nga Ama para kadakuada ken mangiturong kadakuada iti agnanayon a biag?